

13 апрѣля 2019 гóда. Суббóта Акáфиста. Похвалá Пресвятóй Богорóдицы.

ЎТРЕНЯ

Иерей: Благословѣн Бог наш всегда, ны́не и прѣсно, и во ве́ки веко́в.

Чтец: Амѣнь.

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, И́же везде́ сый и вся исполня́яй, Сокро́вище благі́х и жи́зни Подáтелю, приди́ и всели́ся в ны, и очисти ны от вся́кия скве́рны, и спаси́, Бла́же, ду́ши на́ша.

Трисвято́е. Пресвятáя Трóице... **Отче** наш...

Иерей: Я́ко Твое́ есть Цáрство и си́ла и сла́ва Отца́ и Сы́на и Свята́го Ду́ха, ны́не и прѣсно и во ве́ки веко́в.

Чтец: Амѣнь. **Гóсподи,** помѣлуй. *(12 раз)*

Прииді́те, поклонѣмся Царѣви на́шему Бо́гу.

Прииді́те, поклонѣмся и припадѣм Христу́, Царѣви на́шему Бо́гу.

Прииді́те, поклонѣмся и припадѣм Самому́ Христу́, Царѣви и Бо́гу на́шему.

ПСАЛО́М 19:

Услы́шит тя Господь в день печа́ли, защѣтит тя и́мя Бо́га Иа́ковля. Послет ти по́мощь от Свята́го и от Си́она заступит тя. Помяне́т вся́ку жéртву твою́, и всесо́жже́ние твоё ту́чно бу́ди. Даст ти Господь по се́рдцу твоёму и весь со́вет твой испо́лнит. Возра́дуемся о спасе́нии твоём и во и́мя Гóспода Бо́га на́шего возвели́чимся. Исполнит Господь вся проше́ния тво́я. Ны́не позна́х, я́ко спасе́ Господь христа́ Своего́, услы́шит его́ с Небесе́ Свята́го Своего́, в си́лах спасе́ние десни́цы Его́. Си́и на колесни́цах, и си́и на ко́нех, мы же во и́мя Гóспода Бо́га на́шего призовѣм. Ти́и спя́ти бѣ́ша и падо́ша, мы же воста́хом и испра́вихомся. Гóсподи, спаси́ царя́ и услы́ши ны, во́ньже а́ще день призовѣм Тя.

ПСАЛО́М 20:

Гóсподи, си́лою Твое́ю возвесели́тся царь и о спасе́нии Твоём возра́дуется зело́. Желáние се́рдца его́ дал еси́ ему́, и хотѣ́ния устну́ его́ неси́ лишѣ́л его́. Я́ко предвари́л еси́ его́ благослове́нием благосты́нным, положи́л еси́ на главѣ́ его́ вене́ц от ка́мене че́стна. Живота́ проси́л есть у Тебе́, и дал еси́ ему́ долготу́ дний во век ве́ка. Ве́лия сла́ва его́ спасе́нием Твоём, сла́ву и велеле́пие возложи́ши на него́. Я́ко да́си ему́ благослове́ние во век ве́ка, возвесели́ши его́ ра́достью с лицѣ́м Твоём. Я́ко царь упова́ет на Гóспода, и мѣ́лостью Вы́шняго не подви́жится. Да обря́щется рука́ Тво́я всем враго́м Твоём, десни́ца Тво́я да обря́щет вся ненави́дящыя Тебе́. Я́ко положи́ши их я́ко печь́ о́гненную во вре́мя лица́ Твоего́, Господь гне́вом Своём смяте́т я́, и

снестъ их огонь. Плод их от земли погубиши, и семя их от сыновъ человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу и ныне и присно и во веки веков. Аминь.

Трисвятое. Пресвятая Троице... Отче наш...

Иерей: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

ТРОПАРЬ:

Чтец: Спаси Господи люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознеси́йся на Крест волею, тезоименитому Твоему новому жительству щедроты Твоя даруй, Христэ́ Бóже, возвесели нас силою Твоею, победы дай нам на сопостаты, пособи́е имущим Твое ору́жие мира, непобедимую победу.

И ныне и присно и во веки веков. Аминь.

Предстательство страшное и непостыдное, не презри Благая моли́тв наших, Всепетая Богородице, утверди́ православных жительство: спаси́ люди Твоя, и подаждь им с небесе́ победу, зане́ родила́ еси́ Бóга, еди́на благословенная.

МАЛАЯ СУГУБАЯ ЕКТЕНИЯ: ¹

Иерей: Помилуй нас, Бóже, по велицей милости Твоей, молим Ти ся, услыши и помилуй.

Хор: Господи, помилуй, *(трижды, на каждое прошение.)*

Иерей: Ещё молимся о Великом господине и отце нашем, Святейшем Патриархе **Кирилле** и о господине нашем преосвященнейшем епископе *(или архиепископе, или митрополите **имярек**)*, и о всей во Христэ́ братии нашей.

Ещё молимся о богохранимем странé нашей, властех и воинстве ея́, да тихое и безмолвное житие́ проживём во всяком благочестии и чистоте́.

Ещё молимся за всю братию и за вся христианы.

Иерей: Яко милостив и человеколюбец Бог еси́, и Тебе́ славу возсылаем, Отцу́, и Сыну, и Святому́ Духу, ныне и присно, и во веки веков.

Хор: Аминь. Именем господним благослови́ отче.

Иерей: Слава Святей, и Единосущней, и Животворящей, и Нераздельней Троице, всегда́, ныне и присно, и во веки веков.

Хор: Аминь.

ШЕСТОПСАЛМИЕ:

Чтец: Слава в вы́шних Бóгу, и на земли́ мир, в человецех благоволение. *(Трижды)*

Господи, устне́ мой отверзеши, и уста́ моя́ возвестят хвалу́ Твою́. *(Дважды)*

¹ Данная ектения всегда произносится иереем.

Чтец: Псалом 3, Псалом 37, Псалом 62
Слава, и ныне: Аллилуиа. (Трижды)
Господи, помилуй. *(Трижды)* **Слава, и ныне:**
Псалом 87, Псалом 102, Псалом 142
Слава, и ныне: Аллилуиа. (Трижды)

ВЕЛИКАЯ ЕКТЕНИЯ:

Диакон: Мíром Гóсподу помóлимся.

Хор: Гóсподи, помíлуй. *(На каждое прошение)*

Диакон: О Свѣшнем мíре и спасѣнии душ наших, Гóсподу помóлимся.

О мíре всего мíра, благостоянии Святѣх Бóжиих Церквѣй и соединѣнии всех, Гóсподу помóлимся.

О святѣм храме сем и с вѣрою, благоговѣнием и страхом Бóжиим входящих в онь, Гóсподу помóлимся.

О великом Господíне и Отцѣ нашем Святѣйшем Патриárхе **Кирилле**, и о Господíне нашем, Высокопреосвященнейшем митрополíte *(или: архиепíскопе, или: преосвященнейшем епíскопе **имя-рѣк**)*, честнем пресвítерстве, во Христѣ диáконстве, о всем причте и людех, Гóсподу помóлимся.

О Богохранímей странѣ нашей, властѣх и вóинстве ея, Гóсподу помóлимся.

О граде сем *(или о вѣси сей)*, всяком граде, странѣ и вѣрою живущих в них, Гóсподу помóлимся.

О благорастворѣнии воздúхов, о избóилии плодóв земнѣх и врѣменех мíрных, Гóсподу помóлимся.

О плáвающих, путешѣствующих, недúгующих, страждущих, пленѣнных и о спасѣнии их.

Гóсподу помóлимся.

О избáвиться нам от всякия скóрби, гнѣва и нúжды, Гóсподу помóлимся.

Заступí, спасí, помíлуй и сохрани нас, Бóже, Твоею благодáтию.

Пресвятúю, Пречíстую, Преплагословѣнную, Слáвную Владычицу нашу Богородицу и Приснодѣву Марíю, со всеми святѣими помянувшѣ, сáми себѣ и друг дрúга, и весь живóт наш Христú Бóгу предадím.

Хор: Тебѣ, Гóсподи.

Иерей: Яко подобáет Тебѣ всякая слáва честь и поклонѣние, Отцú и Сýну и Святóму Дúху, ныне и прíсно и во вѣки вѣкóв.

Хор: Амíнь.

Бог Госпóдь, глас 8:

Диакон: Бог Госпóдь, и явíся нам, благословѣн Грядýй во Ёмя Госпóдне.

Стих 1: Исповѣдайтеся Гóсподеву, яко благ, яко в век мíлость Егó.

Хор: Бог Госпóдь, и явíся нам, благословѣн Грядýй во Ёмя Госпóдне.

(И далее на каждый стих)

Стих 2: Обышѣдше обыдóша мя, и Ёменем Госпóдним противлѣхся им.

Стих 3: Не умрú, но жив бúду, и повѣм делá Госпóдня.

Стих 4: Кáмень, Егóже небрегóша зíждущии, Сей бысть во главú угла, от Гóспода бысть Сей, и есть дíвен во очесѣх наших.

Тропáрь прáздника Богородицы (Триоди), глас 8:

Хор: Повелѣнное тáйно приѣм в рáзуме,/ в крóве Ио́сифове тцáнием предстá Безплóтный, глагóля Неискусобráчней:/ приклонíвый сходядѣнием Небесá вмещáется неизмѣнно весь в Тя,/ Егóже и вíдя в ложеснáх Твои́х приѣмша рáбий зрак,/ ужасáюся звáти Тебѣ:// рáдуйся, Невѣсто Неневѣстная. *(Дважды)*

Слава Отцу и Сыну и Святому Духу и ныне и присно и во веки веков. Аминь.

Повеленное тайно прием в разуме, / в крове Иосифове тщанием предста
Безплотный, глаголя Неискусобрачней: / приклонивый схождением Небеса
вмещается неизменно весь в Тя, / Егже и видя в ложеснах Твоих приемша
рабий зрак, / ужасаюся звати Тебе: // радуйся, Невесто Неневестная.

Хор: Господи помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

КАФИСМА ШЕСТНАДЦАТАЯ:

Псалом 109

Рече Господь Господеви моему: седи одесную Мене, дондеже положу враги
Твоя подножие ног Твоих. Жезл силы послет ти Господь от Сиона, и господствуй
посреде врагов Твоих. С Тобою начало в день силы Твоея, во светлостех святых
Твоих, из чрева прежде денницы роди Тя. Клятся Господь и не раскается: Ты
иерей во век, по чину Мелхиседекову. Господь одесную Тебе сокрушил есть в
день гнева Своего царя. Судит во языцех, исполнит падения, сокрушит главы на
земли многих. От потока на пути пиет, сего ради вознесет главу.

Псалом 110:

Исповемся Тебе, Господи, всем сердцем моим в совете правых и сонме.
Велия дела Господня, изыскана во всех волях Его. Исповедание и великолепие
дело Его и правда Его пребывает в век века. Память сотворил есть чудес
Своих, Милостив и Щедр Господь. Пищу даде боящимся Его, помянет в век за-
вет Свой. Крепость дел Своих возвестит людем Своим, дати им достойные язык.
Дела рук Его истина и суд, верны вся заповеди Его, утвержены в век века, со-
творены во истине и правоте. Избавление посла людем Своим: заповеда в век
завет Свой. Свято и страшно имя Его. Начало премудрости страх Господень,
разум же благ всем творящим и. Хвала Его пребывает в век века.

Псалом 111:

Блажен муж, бойся Господа, в заповедех Его восхощет зело. Сильно на земли
будет семя его, род правых благословится: слава и богатство в дому его, и правда его
пребывает в век века. Возсия во тме свет правым, милостив и щедр, и праведен. Благ
муж, щедря и дая: устроит словеса своя на суде, яко в век не подвижится. В память
вечную будет праведник. От слуха зла не убоится, готово сердце его уповати на
Господа. Утвердися сердце его, не убоится, дондеже воззрит на враги своя. Расточит, да-
де убогим, правда его пребывает во век века, рог его вознесется в славе. Грешник узрит
и прогневается, зубы своими поскрежет и растает, желание грешника погибнет.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу

Чтец: И ныне и присно и во веки веков. Аминь.

Псалом 112:

Хвалите, отроцы, Господа, хвалите имя Господне. Буди имя Господне благословенно отныне и до века. От восток солнца до запад хвалено имя Господне. Высок над всеми языки Господь: над небесы слава Его. Кто яко Господь Бог наш? На высоких живый и на смиренные призираый на небесы и на земли, воздвигаый от земли нища и от гноища возвышая убoga, посадити его с князи, с князи людей своих, вселяя неплодовь в дом матерь о чадах веселящуся.

Псалом 113:

Во исходе Израилеве от Египта, дому Иаковля из людей варвар, бысть Иудеа святыня Его, Израиль область Его. Море виде и побеге, Иордан возвратися вспять, горы разыграшася, яко овны, и холми, яко агнцы овчии. Что ти есть, море, яко побегло еси? И тебе, Иордане, яко возвратился еси вспять? Горы, яко разыграстеся, яко овны, и холми, яко агнцы овчии? От лица Господня подвижется земля, от лица Бога Иаковля, обращшаго камень во езера водная и несекомый во источники водныя. Не нам, Господи, не нам, но имени Твоему даждь славу, о милости Твоей и истине Твоей. Да не когда рекут языцы: где есть Бог их? Бог же наш на небесы и на земли, вся елика восхотет, сотвори. Идоли язык сребро и злато, дела рук человеческих. Уста имут, и не возглаголют, очи имут и не узрят, уши имут, и не услышат, ноздри имут, и не обоняют, рuce имут, и не осяжут, нозе имут, и не пойдут, не возгласят гортанем своим. Подобни им да будут творящии я, и вси надеющиеся на ня. Дом Израилев упова на Господа: Помощник и Защититель им есть. Дом Ааронь упова на Господа: Помощник и Защититель им есть. Боящися Господа уповаша на Господа: Помощник и Защититель им есть. Господь помянув ны благословил есть нас, благословил есть дом Израилев, благословил есть дом Ааронь, благословил есть боящися Господа, малыя с великими. Да приложит Господь на вы, на вы и на сыны ваша. Благословени вы Господеви, сотворшему небо и землю. Небо небесе Господеви, землю же даде сыновом человеческим. Не мертвии восхвалят Тя, Господи, ниже вси низходящии во ад, но мы, живии, благословим Господа отныне и до века.

Псалом 114:

Возлюбих, яко услышит Господь глас моления моего, яко приклоню ухо свое мне, и во дни моя призову. Объяша мя болезни смертные, беды адовы обретоша мя, скорбь и болезнь обретох, и имя Господне призвах: о, Господи, избави душу мою. Милостив Господь и Праведен, и Бог наш милует. Храняй младенцы Господь: смирихся, и спасе мя. Обратися, душе моя, в покой твой, яко Господь благодетельствова тя. Яко изыят душу мою от смерти, очи мои от слез и нозе мои от поползновения. Благоугожду пред Господем во стране живых.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 115:

Вѣровах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения прииму и имя Господне призову, молитвы моя Господеви воздам пред всеми людьми Его. Честна пред Господем смерть преподобных Его. О, Господи, аз раб Твой, аз раб Твой и сын рабыни Твоея; растерзал еси узы моя. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его, во дворех дому Господня, посреде тебе, Иерусалиме.

Псалом 116:

Хвалите Господа вси языцы, похвалите Его вси людие, яко утвердися милость Его на нас, и истина Господня пребывает во век.

Псалом 117:

Исповедайтесь Господеви, яко Благ, яко в век милость Его. Да речет убо дом Израилев: яко Благ, яко в век милость Его. Да речет убо дом Ааронь: яко Благ, яко в век милость Его. Да рекут убо вси боящиися Господа: яко Благ, яко в век милость Его. От скорби призвах Господа, и услыша мя в пространство. Господь мне Помощник, и не убоюсь, что сотворит мне человек. Господь мне Помощник, и аз воззрю на враги моя. Благо есть надеяться на Господа, нежели надеяться на человека. Благо есть уповати на Господа, нежели уповати на князи. Вси языцы обыдоша мя, и именем Господним противляхся им, обышедше обыдоша мя, и именем Господним противляхся им, обыдоша мя, яко пчелы сот, и разгорешася, яко огонь в тернии, и именем Господним про-

тивляхся им. Отриновён превратихся пасти, и Господь прият мя. Крепость моя и пение моё Господь, и бысть ми во спасение. Глас радости и спасения в селениях праведных: десница Господня сотвори силу. Десница Господня вознесё мя, десница Господня сотвори силу. Не умру, но жив буду, и повём дела Господня. Наказуя наказá мя Господь, смерти же не предаде мя. Отверзите мне врата правды, вшед в ня исповёмся Господеви. Сия врата Господня, праведнии внидут в ня. Исповёмся Тебё, яко услышал мя еси, и был еси мне во спасение. Камень, егже небрегоша зиждушии, сей бысть во главу угла: от Господа бысть сей, и есть дивен во очесех наших. Сей день, егже сотвори Господь, возрадуемся и возвеселимся в оны. О, Господи, спаси же, о Господи, поспеши же. Благословён грядый во имя Господне, благословихом вы из дому Господня. Бог Господь, и явися нам: составите праздник во учающих до рог алтаревых. Бог мой еси Ты, и исповёмся Тебё, Бог мой еси Ты, и вознесу Тя. Исповёмся Тебё, яко услышал мя еси, и был еси мне во спасение. Исповедайтесь Господеви, яко Благ, яко в век милость Егб.

Чтец: Слава Отцу и Сыну и Святому Духу и ныне и присно и во веки веков. **Аминь.**
Аллилуиа, аллилуиа, аллилуиа, слава Тебё Бже. *(Трижды)*
Господи, помилуй. *(Трижды)*

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Бже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебё, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

АКАФИСТ ПРЕСВЯТОЙ БОГОРОДИЦЕ:

ПЕРВАЯ СТАТИЯ:

КОНДАК 1:

Хор: Взбранной Воеводе победительная, / яко избавльшеся от злых, / благодарственная восписуем Ти, раби Твой, Богородице, / но, яко имущая державу непобедимую, / от всяких нас бед свободи, да зовём Ти: // радуйся, Невесто Неневестная.

Ўкос 1:

А́нгел предста́тель с небесе́ по́слан бысть ре́щи Богоро́дице: ра́дуйся, и со безплóтным гла́сом воплоща́ема Тя зря, Го́споди, ужаса́шеса и стоя́ше, зовы́й к Ней такова́я:

- Р**а́дуйся, Ё́юже ра́дость возсия́ет;
- р**а́дуйся, Ё́юже кля́тва изчезнет.
- Р**а́дуйся, па́дшаго Ада́ма воззва́ние;
- р**а́дуйся, слез Ё́виных избавле́ние.
- Р**а́дуйся, высотó неудобовосходи́мая челове́ческими по́мыслы;
- р**а́дуйся, глубино́ неудобозри́мая и а́нгельскима очы́ма.
- Р**а́дуйся, я́ко еси́ Царе́во седа́лище;
- р**а́дуйся, я́ко но́сиши Нося́щаго вся.
- Р**а́дуйся, звездó, явля́ющая Со́лнце;
- р**а́дуйся, утробó Божества́наго воплоще́ния.
- Р**а́дуйся, Ё́юже обновля́ется тварь;
- р**а́дуйся, Ё́юже покланя́емся Творцу́.
- Р**а́дуйся, Невесто́// Неневестная.

Конда́к 2:

Ви́дящи Свята́я Себе́ в чистоте́, глаго́лет Гаври́лу дерзостно: пре-сла́вное твоего́ гла́са неудобоприятельно ду́ши Моёй явля́ется: безсе́меннаго бо зача́тия рождество́ ка́ко глаго́леши, зовы́й: Аллилу́ия.

Ўкос 2:

Ра́зум недоразумева́емый разумёти Де́ва и́щущи, возопи́ к служа́щему: из боку́ чи́сту, Сы́ну ка́ко есть роди́тися мо́чно, рцы Ми? К Нейже он рече́ со стра́хом, оба́че зовы́й си́це:

- Р**а́дуйся, сове́та неизрече́ннаго тайннице;
- р**а́дуйся, молча́ния прося́щих ве́ро.
- Р**а́дуйся, чуде́с Христо́вых нача́ло;
- р**а́дуйся, велений Егó главизно.
- Р**а́дуйся, ле́ствице небесная, Ё́юже сни́де Бог;
- р**а́дуйся, мо́сте, преводя́й су́щих от земли́ на не́бо.
- Р**а́дуйся, А́нгелов многослову́щее чу́до;
- р**а́дуйся, бесóв многоплаче́вное пораже́ние.
- Р**а́дуйся, Свет неизрече́нно роди́вшая;
- р**а́дуйся, е́же ка́ко, ни еди́наго же научи́вшая.
- Р**а́дуйся, премудрых превосходя́щая ра́зум;

рáдуйся, вёрных озаряющая смь́слы.

Рáдуйся, Невéсто// Неневéстная.

КОНДА́К 3:

Сíла Вь́шняго осení тогдá к зачáтию Браконейску́сную, и благоплóдная То́я ложесна́, я́ко село́ показá сладкое, всем хотя́щим жа́ти спасéние, всегда́ пéти си́це: **А**ллилу́ия.

Й́кос 3:

Иму́щи Богоприятную Дéва утробу, востечé ко Елисавети; младéнец же óноя áбие познáв Сея́ целовáние, рáдовашеся, и игра́ньми я́ко пéсньми вопиáше к Богородице:

Рáдуйся, óтрасли неувядáемая розгó;

рáдуйся, Плодá безсмéртнаго стяжáние.

Рáдуйся, Дéлателя дéлающая человеколóбца;

рáдуйся, Садíтеля жízни нáшея рóждшая.

Рáдуйся, нíво, растя́щая гобзовáние щедрóт;

рáдуйся, трапéзо, нося́щая обíлие очищéний.

Рáдуйся, я́ко рай пíщный процветáеши;

рáдуйся, я́ко пристáнище душáм готóвиши.

Рáдуйся, приятное молíтвы кадýло;

рáдуйся, всегó мíра очищéние.

Рáдуйся, Бóжие к смéртным благоволéние;

рáдуйся, смéртных к Бóгу дерзновéние.

Рáдуйся, Невéсто// Неневéстная.

КОНДА́К 4:

Бу́рю внутрь имéя помышлéний сумнítельных, целомудреннýй Ио́сиф смятéся, к Тебé зря небрáчней, и бракоокрáдованную помышлéя, Непорóчная; увéдев же Твоé зачáтие от Дýха Свя́та, речé: **А**ллилу́ия.

И СНÓВА КОНДА́К 1:

Взбрáнной Воевóде победíтельная,/ я́ко избáвльшесе́ от злых,/ благодарственная восписúем Ти, раб́и Тво́й, Богородице,/ но, я́ко имúщая держáву непобедíмую,/ от всяких нас бед свободí, да зовём Ти:// рáдуйся, Невéсто Неневéстная.

Хор: Гóсподи помíлуй. *(Трижды)*

Слава Отцу́ и Сыну́ и Святому́ Духу.

Чтец: **И** ныне и присно и во веки веков. **А**минь.

КАФИСМА СЕМНАДЦАТАЯ:

Псалом 118:

ПЕРВАЯ СТАТИЯ:

Чтец: Блажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делающие бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В часом исправит юнейший путь свой; внегда сохранить словеса Твоя. Всем сердцем моим взысках Тебе, не отри ни мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи: научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумю пути Твоя. Во оправданиях Твоих почувся, не забуду словес Твоих. Воздаждь рабу Твоему: живи мя, и сохраню словеса Твоя. Открой очи мой, и уразумю чудеса от закона Твоего. Пришлец аз есмь на земли: не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым: прокляти уклоняющиеся от заповедей Твоих. Отыми от мене понос и унижение, яко свидений Твоих взысках. Ибо седоша князи, и на мя клеветашу, раб же Твой глумляшеся во оправданиях Твоих: Ибо свидения Твоя поучение мое есть, и совети мой оправдания Твоя. Прильпе земли душа моя: живи мя по словеси Твоему. Пути моя возвестих, и слышал мя еси: научи мя оправданием Твоим: Путь оправданий Твоих вразуми ми, и поглумлюся в чудесех Твоих. Воздрема душа моя от уныния: утверди мя в словесех Твоих. Путь неправды остави от мене, и законом Твоим помилуй мя. Путь истины избових, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда расширил еси сердце мое. Законоположи мне, Господи, путь оправданий Твоих, и взыщу и вину: Вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мой, еже не видети суеты, в пути Твоем живи мя. Постави рабу Твое-

мú слово Твое в страх Твой. Отъими поношение мое, еже непщевáх: яко судьбы Твоя блага. Се возжелáх заповеди Твоя, в правде Твоей живи мя. И да придет на мя милость Твоя, Господи, спасение Твое по словеси Твоему. И отвечаю поношающим ми слово: яко уповáх на словеса Твоя. И не отъими от уст моих словесе истинна до зела, яко на судьбы Твоя уповáх. И сохраню закон Твой вину, в век и в век века. И хождáх в широте, яко заповеди Твоя взысках. И глаголах о свидениях Твоих пред царí, и не стыдяхся: И поучахся в заповедех Твоих, яже возлюбих зело: И воздвигох рúце мой к заповедем Твоим, яже возлюбих, и глумляхся во оправданиях Твоих. Помяни словеса Твоя рабу Твоему, ихже упование дал ми еси. То мя утеши во смирении моем, яко слово Твое живи мя. Горди законопреступоваху до зела: от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи Имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи, рех сохранити закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих ноге мой во свидения Твоя. Уготовихся и не смутихся сохранити заповеди Твоя. Узя грешник обязахся мне, и закона Твоего не забых. Полунощи востах исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля: оправданием Твоим научи мя. Благодать сотворил еси с рабом Твоим, Господи, по словеси Твоему. Благодати, и наказанию и разуму научи мя, яко заповедем Твоим веровах. Прже даже не смирити ми ся, аз прегрехих: сего ради слово Твое сохраних. Благ еси Ты, Господи, и благодатию Твоею научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, яко да научуся оправданием Твоим. Благ мне закон уст Твоих, паче тысящ злата и сребра.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 118:

Вторая статья:

Руце Твой сотвориште мя, и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему рабу Твоему. Да приидут мне щедроты Твоя, и жив буду, яко закон Твой поучение мое есть. Да постыдятся гордии, яко неправедно беззаконноваша на мя, аз же поглумлюся в заповедех Твоих. Да обратят мя боящиеся Тебе, и ведящие свидения Твоя. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мой в слово Твое, глаголюще: когда утетиши мя? Зане бых яко мех на слане: оправданий Твоих не забых. Колико есть дней раба Твоего? когда сотвориши ми от гонящих мя суд? Поведаша мне законопреступницы глумления, но не яко закон Твой, Господи. Вся заповеди Твоя истина: неправедно погнаша мя, помози ми. Вмале не скончаша мене на земли: аз же не оставих заповедей Твоих. По милости Твоей живи мя, и сохранию свидения уст Твоих. Во век, Господи, слово Твое пребывает на Небеси. В род и род истина Твоя. Основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси. Твой есмь аз, спаси мя, яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твоею, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбраних ногам моим, яко да сохранию словеса Твоя. От судьб Твоих не уклонихся, яко Ты законоположил ми еси. Коль сладка гортани моему словеса Твоя, паче меда устом моим. От заповедей Твоих разумех, сего ради возненавидех всяк путь

неправды. Светильник ногáма мойма закон Твой, и свет стезя́м мо́йм. Кля́хся и поста́вих сохра́нити судьбы́ пра́вды Твоея́. Смирíхся до зела́, Го́споди, живи́ мя по словеси́ Твоему́. Бо́льная уст мо́их благоволи́ же, Го́споди, и судьба́м Твои́м научи́ мя. Душа́ моя́ в руку́ Твоею́ ви́ну, и зако́на Твоего́ не забы́х. Положи́ша грéшницы сеть мне, и от за́поведей Твои́х не заблуди́х. Наслédовах свидéния Твоя́ во век, я́ко ра́дование се́рдца моего́ суть. Приклони́х се́рдце моё сотвори́ти оправда́ния Твоя́ в век за воздая́ние. Законопресту́пныя возненави́дех, закон же Твой возлюбíх. Помо́щник мой и Засту́пник мой еси́ Ты, на словеса́ Твоя́ упова́х. Уклоните́ся от мене́ лука́внующии, и испыта́ю за́поведи Бо́га моего́. Заступи́ мя по словеси́ Твоему́, и жив бу́ду, и не посрами́ мене́ от ча́яния моего́. Помози́ ми, и спасу́ся, и поучу́ся во оправда́ниях Твои́х ви́ну. Уничжи́л еси́ вся отступа́ющия от оправда́ний Твои́х, я́ко непра́ведно помышле́ние их. Преступа́ющия непщева́х вся грéшныя земли́, сегó ра́ди возлюбíх свидéния Твоя́. Пригвозди́ стра́ху Твоему́ плóти моя́, от суде́б бо Твои́х убоя́хся. Сотвори́х суд и пра́вду, не преда́ждь мене́ обидя́щим мя. Восприими́ раба́ Твоего́ во блага́, да не оклеветают мене́ горди́и. Очи мой исчезóсте во спасéние Твое́, и в сло́во пра́вды Твоея́. Сотвори́ с рабо́м Твои́м по ми́лости Твое́й, и оправда́нием Твои́м научи́ мя. Раб Твой есмь аз: вразуми́ мя, и увéм свидéния Твоя́. Вре́мя сотвори́ти Го́сподеви: разори́ша закон Твой. Сегó ра́ди возлюбíх за́поведи Твоя́ па́че злата́ и топа́зия. Сегó ра́ди ко всем за́поведем Твои́м направля́хся, всяк путь неправды́ возненави́дех. Дивна́ свидéния Твоя́, сегó ра́ди испыта́ я́ душа́ моя́. Явлéние словéс Твои́х просвещáет и вразумля́ет младéнцы. Уста́ моя́ отверзо́х, и привлеко́х дух, я́ко за́поведей Твои́х желáх.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прíсно и во ве́ки веко́в. **Ами́нь.**

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Го́споди, помíлуй. (Трижды)

Сла́ва Отцу́ и Сы́ну и Свято́му Ду́ху.

Чтец: И ны́не и прíсно и во ве́ки веко́в. **Ами́нь.**

Псалом 118:

ТРЕ́ТЯ СТА́ТИЯ:

При́зри на мя и помíлуй мя, по суду́ любя́щих я́мя Твое́. Стопы́ моя́ напра́ви по словеси́ Твоему́, и да не облада́ет мно́ю вся́кое беззакóние. Изба́ви мя

от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мой, понеже не сохраних закона Твоего. Праведен еси, Господи, и прави суди Твоя. Заповедал еси правду свидения Твоя, и истину зело. Истаяла мя есть ревность Твоя, яко забыша словеса Твоя врази мой. Разжжено слово Твое зело, и раб Твой возлюбил е. Юнейший аз есмь и уничижен, оправданий Твоих не забых. Правда Твоя правда во век, и закон Твой истина. Скорби и нужды обретоша мя, заповеди Твоя поучение мое. Правда свидения Твоя в век, вразуми мя, и жив буду. Возвах всем сердцем моим, услыши мя, Господи, оправдания Твоя взыщу. Возвах Ти, спаси мя, и сохраню свидения Твоя. Предварих в безгодии и возвах, на словеса Твоя уповах. Предваристе очи мой ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приближишася гонящии мя беззаконием, от закона же Твоего удалишася. Близ еси Ты, Господи, и вси путие Твоя истина. Исперва познах от свидений Твоих, яко в век основал я еси. Виждь смирение мое и измени мя, яко закона Твоего не забых. Суди суд мой и избави мя, словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящии мя и стужающии ми, от свидений Твоих не уклонихся. Видех неразумеваяущия и истаях, яко словес Твоих не сохраниша. Виждь, яко заповеди Твоя возлюбих, Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туне, и от словес Твоих убояся сердце мое. Возрадуяся аз о словесех Твоих, яко обретаяй корысть многу. Не правду возненавидех и омерзих, закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя и возлюбил я зело. Сохраних заповеди Твоя и свидения Твоя, яко вси путие мой пред Тобю, Господи. Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отрыгнут устне мой пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя изволих. Возжелых спасение Твое, Господи, и закон Твой поучение мое

есть. Жива́ будет душа́ моя́ и восхва́лит Тя, и судьбы́ Твоя́ помо́гут мне. Заблуди́х, я́ко овча́ поги́бшее, взыщи́ раба́ Твоего́, я́ко за́поведей Твои́х не забы́х.

Чтец: Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. **Ами́нь.**
Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

ЕКТЕНИЯ МА́ЛАЯ:

Диáкон: Па́ки и па́ки ми́ром Го́споду помóлимся.

Хор: Го́споди, помíлуй.

Диáкон: Заступи́, спаси́, помíлуй и сохрани́ нас, Бо́же, Твоею́ благода́тию.

Хор: Го́споди, помíлуй.

Диáкон: Пресвяту́ю, Пречи́стую, Преблагословенну́ю, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Благ и Человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Хор: Ами́нь.

АКА́ФИСТ ПРЕСВЯТО́Й БОГОРО́ДИЦЕ:

ВТОРА́Я СТАТИ́Я:

КОНДА́К 1:

Хор: Взбра́нной Воево́де победи́тельная, / я́ко избáвльшеся от злых, / благода́рственная воспису́ем Ти, раби́ Твой, Богороди́це, / но, я́ко иму́щая держа́ву непобеди́мую, / от вся́ких нас бед свободи́, да зове́м Ти: // ра́дуйся, Не́весто́ Нене́встная́.

И́КОС 4:

Слы́шаша па́стырие А́нгелов пою́щих плотско́е Христо́во пришество́ние, и те́кше я́ко к Па́стырю ви́дят Сего́ я́ко а́гнца непоро́чна, во чре́ве Мари́ине упáсшася, Ю́же пою́ще ре́ша:

Рáдуйся, А́гнца и Па́стыря Ма́ти;

ра́дуйся, двóре словесных овец.

Рáдуйся, невидимых врагов мучение;

ра́дуйся, райских дверей отверзение.

Рáдуйся, я́ко небесная сра́дуются земным;

ра́дуйся, я́ко земная сликовствую́т небесным.

Рáдуйся, апóстолов немóлчная уста́;

ра́дуйся, страсотерпцев непобеди́мая дерзосте.

Рáдуйся, твёрдое вѣры утверждѣние;
рáдуйся, свѣтлое благодáти познáние.
Рáдуйся, Ёюже обнаж́ися ад;
рáдуйся, Ёюже облекóхомся слáвою.
Рáдуйся, Невѣсто// Неневѣстная.

Кондáк 5:

Боготѣчную звезду́ узрѣвше волсвѣи, тоя послѣдоваша зарѣи, и яко свѣтильник держáще ю, тою испытáху крѣпкаго Царя́, и достígше Непостиж́имаго, возрадовашася, Емú вопи́юще: **А**ллилу́ия.

Йкос 5:

Видеша óтроцы халдѣйстии на руку́ Дев́ичу Создáвшаго рука́ми челоу́еки, и Влады́ку разумевáюще Егó, áще и ра́бий прият зрак, потщáшася дарми́ послуж́ити Емú, и возоп́ити Благословѣнней:

Рáдуйся, звезды́ незаход́имыя Мáти;
рáдуйся, заре́ та́инственнаго дне.
Рáдуйся, прѣлести пещь угас́ившая;
рáдуйся, Трóицы та́инники просвещáющая.
Рáдуйся, муч́ителя безчеловѣчнаго изметáющая от начáльства;
рáдуйся, Гóспода челоуеколóбца показáвшая Христá.
Рáдуйся, вáрварскаго избавл́яющая служ́ения;
рáдуйся, тимѣния изымáющая дел.
Рáдуйся, огня́ поклонѣние угас́ившая;
рáдуйся, пла́мене страстѣй измен́яющая.
Рáдуйся, вѣрных настав́нице целомúдрия;
рáдуйся, всех родóв весѣлие.
Рáдуйся, Невѣсто// Неневѣстная.

Кондáк 6:

Проповѣдницы богонóснии, б́ывше волсвѣи, возврат́шася в Вавилóн, скончáвше Твое́ прорóчество, и проповѣдавше Тя Христá всем, остáвиша Ёрода яко буеслóвляща, не вѣдуща пѣти: **А**ллилу́ия.

Йкос 6:

Возсия́вый во Еѓипте просвещѣние й́стины, отгнал еси́ лжи тьму: й́доли бо егó, Спа́се, не терп́яще Твоея́ крѣпости, падóша, сих же избáвльшиися вопи́яху к Богороди́це:

Рáдуйся, исправлѣние челоуѣков;
рáдуйся, низпадѣние бесѡв.
Рáдуйся, прѣлести держáву поправшая;
рáдуйся, и́дольскую лесть обличившая.
Рáдуйся, мѡре, потопившее фараѡна мысленнаго;
рáдуйся, кáменю, напоивший жажду́щия жизни.
Рáдуйся, ѡгненный стѡлпе, наставляя́й сущия во тьме;
рáдуйся, покрѡве мѡру, шѡрший ѡблака.
Рáдуйся, пи́ще, ма́нны приѣмнице;
рáдуйся, сла́дости святѣ́я служите́льнице.
Рáдуйся, землѣ обетова́ния;
рáдуйся, из нея́же течѣт мед и млекѡ.
Рáдуйся, Невѣсто// Невѣстная.

КОНДА́К 7:

Хотя́щу Симео́ну от ны́нешняго вѣка преста́вится прелѣстнаго, вда́лся еси́ я́ко младе́нец то́му, но позна́лся еси́ е́му и Бог соверше́нный. Те́мже уди́вися Твое́й неизрече́нной премудро́сти, зовѣ́й: **А**ллилу́ия.

И СНО́ВА КОНДА́К 1:

Взбра́нной Воево́де победи́тельная,/ я́ко изба́вльшеся от злых,/ благода́рственная воспису́ем Ти, раба́ Твой, Богоро́дице,/ но, я́ко иму́щая держáву непо́бедиму́ю,/ от вся́ких нас бед свободи́, да зове́м Ти:// ра́дуйся, Невѣсто Невѣстная.

Чтец: **Г**ѡсподи, поми́луй. *(Трижды)*

Сла́ва Отцу́ и Сы́ну и Свято́му Ду́ху и ны́не и при́сно и во вѣки веко́в. **А**ми́нь.

ПСАЛО́М 50:

Поми́луй мя, Бо́же, по вели́цей ми́лости Твое́й, и по мно́жеству щедро́т Твоѣ́х очисти́ беззакѡние моѡ. Наипáче омѣ́й мя от беззакѡ́ния моего́, и от греха́ моего́ очисти́ мя. Я́ко беззакѡ́ние моѡ аз зна́ю и грех мой предо мно́ю есть вѣ́ну. Тебе́ Еди́ному согреших, и лука́вое пред Тобо́ю сотвори́х, я́ко да оправди́шия во словеса́х Твоѣ́х и победи́ши, внегда́ суди́ти Ти. Се бо в беззакѡ́ниих зачат есмь, и во гресѣ́х роди́ мя ма́ти моя́. Се бо и́стину возлюбил еси́, безвѣ́стная и та́йная премудро́сти Твоея́ явил ми еси́. Окропи́ши мя иссо́пом, и очи́щуся, омѣ́еши мя, и па́че снѣга убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех мои́х, и вся беззакѡ́ния моя́ очисти́. Сѣрдце́ чи́сто сози́жди во мне, Бо́же, и дух прав обнови́ во утробе́ мое́й. Не отвержи́ мене́ от лица́ Твоего́, и Ду́ха Твоего́ Свята́го не

отымй от менё. Воздаждь ми радость спасения Твоего, и Духом Владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Бóже, Бóже спасения моего, возрадуется язык мой правде Твоей. Господи, устне мой отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Бóгу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

КАНОН:

В 1-5 песнях:

В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.

В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.

В ХРАМЕ БОГОРОДИЦЫ:

ПЕСНЬ 1.

КАНОН ПРАЗДНИКА БОГОРОДИЦЫ (ТРИОДИ) НА 12:

Ирмос: **Отверзу уста моя, / и наполнятся Духа, / и слово отрйгну Царйце Матери, / и явлюся, светло торжествуя, // и воспою, радуясь, Той чудеса. (Дважды)**

Запев: **Пресвятая Богородице, спаси нас.**

Христову книгу одушевленную, запечатленную Тя Духом, / великий Архангел, Чистая, зря возглашаше Ти: / радуйся, радости приятелище, // Ёуже праматерняя клятва разрешится. *(Трижды)*

Адамово исправление, радуйся / Дёво Богоневесто, адово умерщвление. / Радуйся Всенепорочная, палато всех Царя: // радуйся, престоле огненный Вседержителя. *(Трижды)*

Цвете неувядаемый, радуйся / едина прозябшая яблоко благовонное. / Радуйся рождающая благоухание единого Царя. // Радуйся Неискуобращная, миру спасение. *(Дважды)*

Слава Отцу и Сыну и Святому Духу.

Чистоты сокровище, радуйся, / Ёуже от падения нашего востяхом. / Радуйся, сладкоуханный крине Владычице, / верных благоухаяй, кадило благовонное, // и миро многоценное.

И ныне и присно и во веки веков. Аминь.

Чистоты сокровище, радуйся,/ Ёуже от падения нашего востаном./
Радуйся, сладкоуханный крине Владычице,/ верных благоухаяй, кадило
благобонное, // и миро многоценное.

КАТАВАСИЯ:

**Отверзу уста моя,/ и наполнятся Духа,/ и слово отрыгну Царице
Матери,/ и явлюся, светло торжествуя, // и воспою, радуясь, Той чудеса.**

ПЕСНЬ 3:

Канон праздника Богородицы (Триоди) на 12:

Ирмос: **Твоя песнословцы, Богородице,/ Живый и Независтный Ис-
точникче,/ лик себе совокупльшия, духовно утверди,/ в Божественней
Твоей славе // венцев славы сподоби. (Дважды)**

Запев: **Пресвятая Богородице, спаси нас.**

Клас прозябшая Божественный, яко нива неоранная яве,/ радуйся оду-
шевленная трапезо, хлеб животный вмещающая. // Радуйся, животная воды
источникче неистощаемый, Владычице. (Трижды)

Юнице Юнца рождающая непорочного, радуйся верным./ Радуйся Агнице,
рождающая Божияго Агнца,/ вземлющего мира всего прегрешения. // Радуйся
теплое очистилище. (Трижды)

Утро светлейшее, радуйся/ единая Солнца носящая Христа, света жилище./
Радуйся, тьму разрушившая, // и мрачные бесы отнюд отгнавшая. (Дважды)

Слава Отцу и Сыну и Святому Духу.

Радуйся, двере единая,/ Ёуже Слово пройде едино,/ вереи и врата адова,
Владычице, Рождеством Твоим сокрушившая. // Радуйся, Божественный
входе спасаемых, Богоневесто.

И ныне и присно и во веки веков. Аминь.

Радуйся, двере единая,/ Ёуже Слово пройде едино,/ вереи и врата адова,
Владычице, Рождеством Твоим сокрушившая. // Радуйся, Божественный
входе спасаемых, Богоневесто.

КАТАВАСИЯ:

**Твоя песнословцы, Богородице,/ Живый и Независтный Ис-
точникче,/ лик себе совокупльшия, духовно утверди,/ в Божественней
Твоей славе // венцев славы сподоби.**

ЕКТЕНІЯ МАЛАЯ:

Диáкон: Па́ки и па́ки міром Го́споду помóлимся.

Хор: Го́споди, помíлуй.

Диáкон: Заступí, спасí, помíлуй и сохрани́ нас, Бо́же, Твоею́ благодáтию.

Хор: Го́споди, помíлуй.

Диáкон: Пресвяту́ю, Пречíстую, Преблагословенну́ю, Сла́вную Влады́чицу на́шу Богородицу и Присноде́ву Мари́ю, со все́ми святы́ми помяну́вше, са́ми себѣ и друг дру́га, и весь живóт наш Христу́ Бо́гу преда́дѣм.

Хор: Тебѣ́, Го́споди.

Иерей: Я́ко Ты еси́ Бог наш, и Тебѣ́ сла́ву воссыла́ем, Отцу́ и Сы́ну и Свято́му Ду́ху, ны́не и прѣсно и во ве́ки веко́в.

Хор: Амíнь.

АКА́ФИСТ ПРЕСВЯТО́Й БОГОРО́ДИЦЕ:

ТРЕ́ТІЯ СТАТІЯ:

КОНДА́К:

Хор: Взбра́нной Воево́де победíteльная, / я́ко избáвльшеся от злых, / благода́рственная воспису́ем Ти, раби́ Твой, Богородице, / но, я́ко иму́щая держа́ву непобедíмую, / от вся́ких нас бед свободí, да зове́м Ти: // ра́дуйся, Невѣсто Неневѣстная.

Й́кос 7:

Но́вую показá тварь, я́влься Жиждíteль нам от Него́ бѣвшим, из безсе́менная прозя́б утробы, и сохрани́в Ю, я́коже бе, нетлѣнну, да чу́до вѣдяще, воспо́ем Ю, вопи́юще:

Ра́дуйся, цвѣте нетлѣния;

ра́дуйся, вѣнче воздержáния.

Ра́дуйся, воскресѣния о́браз облистáющая;

ра́дуйся, а́нгельское жити́е явля́ющая.

Ра́дуйся, дре́во светлоплодо́витое, от него́же пита́ются вѣрнии;

ра́дуйся, дре́во благосенноли́ственное, ѣмже покрывáются мно́зи.

Ра́дуйся, во чрѣве нося́щая Избáвителя пленѣнным;

ра́дуйся, ро́ждшая Настáвника заблуждшим.

Ра́дуйся, Судии́ прáведнаго умо́ление;

ра́дуйся, мно́гих согрешѣний прощѣ́ние.

Ра́дуйся, оде́ждо наги́х дерзнове́ния;

ра́дуйся, любы́, вся́кое желáние побежда́ющая.

Ра́дуйся, Невѣсто // Неневѣстная.

Конда́к 8:

Стра́нное рождество́ ви́девше, устрани́мся ми́ра, ум на небеса́ прело́жше: сего́ бо ра́ди вы́сокий Бог на земли́ яви́ся смире́нный челове́к, хотя́й при-влещи́ к вы́сотé Тому́ вопи́ющия: **Аллилу́ия.**

И́кос 8:

Весь бе в ни́жних и вы́шних ника́коже отступи́ неопи́санное Сло́во: снизхожде́ние бо Божество́нное, не прехожде́ние же ме́стное бысть, и рождество́ от Де́вы Богоприя́тная, слы́шащия сия́:

Рáдуйся, Бо́га неместима́го вместили́ще;

рáдуйся, честна́го та́инства двéри.

Рáдуйся, неве́рных сумни́тельное слы́шание;

рáдуйся, ве́рных изве́стная похвало́.

Рáдуйся, колесни́це пресвята́я Су́щаго на Херувимех;

рáдуйся, селéние пресла́вное Су́щаго на Серафимех.

Рáдуйся, проти́вная в то́жде собра́вшая;

рáдуйся, де́вство и рождество́ сочета́вшая.

Рáдуйся, Ё́юже разреши́ся преступле́ние;

рáдуйся, Ё́юже отве́рзеса́ рай.

Рáдуйся, ключу́ Ца́рствия Христо́ва;

рáдуйся, наде́ждо благ ве́чных.

Рáдуйся, Невéсто// Неневéстная.

Конда́к 9:

Всякое естество́ а́нгельское удиви́ся вели́кому Твоего́ вочеловече́ния делу́; непристу́пнаго бо я́ко Бо́га, зря́ще всем присту́пнаго Челове́ка, нам у́бо спребыва́юща, слы́шаща же от всех: **Аллилу́ия.**

И́кос 9:

Ветия́ многовещáнная, я́ко ры́бы безгласны́я ви́дим о Тебе́, Богороди́це, недоумева́ют бо глаго́лати, е́же ка́ко и Де́ва пребыва́еши, и роди́ти возмогла́ еси́. Мы же, та́инству дивя́щеся, ве́рно вопие́м:

Рáдуйся, прему́дрости Бо́жия приятели́ще;

рáдуйся, промы́слéния Егó сокрови́ще.

Рáдуйся, любому́дрья нему́дрья явля́ющая;

рáдуйся, хитрословéсныя безсловéсныя облича́ющая.

Рáдуйся, я́ко обу́яша лю́тии взыска́теле;

радуйся, яко увядоша баснотворцы.
Радуйся, афинейская плетения растерзающая;
радуйся, рыбарския мрежи исполняющая.
Радуйся, из глубины неведения извлекающая;
радуйся, многи в разуме просвещающая.
Радуйся, кораблю хотящих спастися;
радуйся, пристанище житейских плаваний.
Радуйся, Невесто// Неневестная.

Кондак 10:

Спасті хотя мир, Йже всех Украситель, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: **Аллилуия**.

И СНОВА КОНДАК 1:

Взбранной Воеводе победительная,/ яко избавльшися от злых,/ благодарственная восписуем Ти, раби Твоя, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Неневестная.

СЕДАЛЕН ТРИОДИ, ГЛАС 1, ПОДОБЕН: «ГРОБ ТВОЙ...»:

Чтец: **В**еликий воин невещественных Ангелов, во град Назарет представ, Царя возвещает Твоего, Чистая, и веков Господа: радуйся, глаголя Тебе, благословенная Марие, непостижимая и несказанная глубино, человеков воззвание.

Слава Отцу и Сыну и Святому Духу и ныне и присно и во веки веков. Аминь.

ТОТ ЖЕ СЕДАЛЕН, ГЛАС 1:

Великий воин невещественных Ангелов, во град Назарет представ, Царя возвещает Твоего, Чистая, и веков Господа: радуйся, глаголя Тебе, благословенная Марие, непостижимая и несказанная глубино, человеков воззвание.

ПРОДОЛЖАЕМ КАНОН:

В 1-5 песнях:

В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.

В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.

В ХРАМЕ БОГОРОДИЦЫ:

ПЕСНЬ 4:

КАНОН ПРАЗДНИКА БОГОРОДИЦЫ (ТРИОДИ) НА 12:

Ирмос: **С**едяй в Славе/ на Престоле Божества/ во облаце легце,/ прииде Иисус Пребожественный,/ Нетленною Дланию/ и спасе зовущия:// слава, Христэ, силе Твоей. *(Дважды)*

Запев: Пресвятая Богородице, спаси нас.

Во гласех пений, Дево,/ Тебе вопием, Всепетая:/ радуйся, тучная горб и усырэнная Духом./ Радуйся свещнице, и стамно манну носящая,// услаждающая всех благочестивых чувства. *(Дважды)*

Очистилице миру, радуйся, Пречистая Владычице./ Радуйся лестнице, от земли всех возвысившая благодатию./ Радуйся мосте, воистинну преводяй всех// от смерти к животу поющих Тя. *(Дважды)*

Небес превышшая, радуйся, земли основание/ в Твоих ложеснах Пречистая, нетрудно носившая./ Радуйся червленнице, багрянницу Божественную омочившая,// от кровей Твоих, Цареве силам. *(Дважды)*

Законодательница рождающая истинного, радуйся, Владычице,/ беззакония всех туне очищающего./ Недовередомая глубино, высот неизреченная, браконейская,// Еюже мы обожихомся. *(Дважды)*

Слава Отцу и Сыну и Святому Духу.

Тя исплетшую миру нерукоплетенный венец песнословим,/ радуйся, Тебе Дево зовуще:/ хранилице всех и ограждение, и утверждение,// и священное прибежище.

И ныне и присно и во веки веков. Аминь.

Тя исплетшую миру нерукоплетенный венец песнословим,/ радуйся, Тебе Дево зовуще:/ хранилице всех и ограждение, и утверждение,// и священное прибежище.

КАТАВАСИЯ:

Седяй в Славе/ на Престоле Божества/ во облаце легце,/ прииде Иисус Пребожественный,/ Нетленною Дланию/ и спасе зовущия:// слава, Христэ, силе Твоей.

ПЕСНЬ 5:

Канон праздника Богородицы (Триоди) на 12:

Ирмос: Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетного Сына,/ всем воспевающим Тя// мир подавающая. *(Дважды)*

Запев: Пресвятая Богородице, спаси нас.

Путь рождающая жизни, радуйся Пренепорочная,/ от потопы греховного мир спасающая:/ радуйся Богоневесто, слышание и глаголение страшное:// радуйся пребывание Владыки твари. *(Дважды)*

Крѣпость и утверждѣние челоуѣков, радуися Пречѣистая,/ мѣсто освящѣния славы, умерщвлѣние адово, чертоже всесвѣтлый./ Радуйся а́нгелов радости:// радуйся по́моше вѣрно молящихся Тебѣ. (Дважды)

Огнеобразная колеснице Слѡва, радуися Владычице,/ одушевлѣнный раю́, древо посреде́ имущи жи́зни Го́спода,// Егѡже сладость оживотворяет вѣрою причащающихся, и тли подклонившихся. (Дважды)

Укрепляеми силою Твоею, вѣрно вопиѣм Ти:/ радуися, граде всех Царя́,/ пресла́вная и достослы́шанная о Нейже глаго́лана бѣша я́ве, горѡ несѣко́мая:// радуйся глубино́ неизмѣримая. (Дважды)

Слава Отцу́ и Сы́ну и Свято́му Ду́ху.

Простра́нное селѣние Слѡва, радуися Пречѣистая,/ сосуде, Божѣственный бѣсер произвѣдшая./ Радуйся, всечудное всех к Бо́гу примирѣние,// блажа́щих Тя, Богородице, всегда́.

И ны́не и прѣсно и во вѣки веко́в. Ами́нь.

Простра́нное селѣние Слѡва, радуися Пречѣистая,/ сосуде, Божѣственный бѣсер произвѣдшая./ Радуйся, всечудное всех к Бо́гу примирѣние,// блажа́щих Тя, Богородице, всегда́.

КАТАВА́СИЯ:

Ужасѡшася вся́ческая / о Божѣственной сла́ве Твоей:/ Ты бо, Неискусобра́чная Дѣво,/ имѣла еси́ во утробѣ над все́ми Бо́га/ и родила́ еси́ Безлѣтнаго Сы́на,/ всем воспева́ющим Тя// мир подава́ющая.

В 6-9 пѣснях:

Кано́н хра́ма не поѣтся.

ВО ВСЕХ ХРА́МАХ:

ПЕСНЬ 6:

Кано́н пра́здника Богороди́цы (Триоди) на 12:

Ирмос: **Божѣственное си́е и всечестно́е/ соверша́юще пра́зднество,/ Богому́дрии, Богома́тере,/ приидѣте, рука́ми восплѣщим,// от Нея́ ро́ждшагося Бо́га сла́вим. (Дважды)**

Запев: **Пресвята́я Богороди́це, спаси́ нас.**

Чертоже Слѡва несквѣрный, вина́ всех обоже́ния,/ радуися Пречѣистая, про́роков оглаше́ние:// радуйся, апо́столов удо́брѣние.

От Тебѣ роса́ ука́ну, пла́мень многобо́жия угасившая./ Тем вопиѣм Ти:// радуйся, руно́ одушевлѣнное, е́же Гедеѡ́н, Дѣво, предвидѣ.

Се Тебѣ [Дѣво] радуйся, зовѣм:/ пристанище нам буди влающимся,/ и отиши в пучине скорбей, // и соблазнов всех борителя.

Радости вина, облагодати наш помысл, еже звати Тебѣ:/ радуйся неопалимая купино, облаче всесветлый, // верныя непрестанно осеняющий.

ЧЕТВЕРОПЕСНЕЦ ПЕРВЫЙ, ГЛАС 6:

Запев: Святѣи мученицы, молите Бога о нас.

Пострадавши мученицы/ и, яко камене избранное, по земли валяющесе,/ зиждительство всякое врага совершенно превратиша // и храми Бога Живаго явѣшася.

Вас молим, течение доброе совершивших, мученицы,/ поста течение теши нас добре укрепите, // добродетелей совершением просиявших.

Рабы Твоя, Владыко,/ преставльшиися от земли к Тебѣ, Препоблагодому, Твоего Царствия сотвори общники, // Божественных мученик Твоих священными ходатайствы, Многомилостиве.

Запев: Пресвятая Богородице, спаси нас.

Едина Всепетая,/ поющим Тя верно, грехов оставление/ и дарований Божественных часть датися, // Всесвятому Слову молися, Мати Дѣво.

ЧЕТВЕРОПЕСНЕЦ ВТОРОЙ, ГЛАС 5:

Запев: Святѣи мученицы, молите Бога о нас.

Память совершающе мученик,/ Господеви возслем песни, // днесь Божественно веселящесе.

Мечев и огня не убоившесе,/ дерзающе в вере страсотерпцы, // мучители в сем уязвите.

Слава Отцу и Сыну и Святому Духу.

Троицу Лицы воспеваю Тя,/ Единице по существу поклоняюся, // Тебѣ, Отче, Сыне и Душе Святый.

И ныне и присно и во веки веков. Аминь.

Ангел и человек благохваление еси, // яко родила еси, Дѣво, Христа, Спаса душам нашим.

Запев: Дивен Бог во святых Своих, / Бог Израилев.

Смертию живот пренивше,/ радуется, на Небесех живуще, // страсотерпцы преславнии Христа Бога.

Запев: Души их во благих водворятся.

Смертию и животом обладай,/ верою преставльшиися от жития, Христе, // со святыми Твоими упокой.

КАТАВАСИЯ, ГЛАС 5:

От кита пророка избавил еси,/ мене же из глубины грехов возведи, // Господи, и спаси мя.

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

АКАФИСТ ПРЕСВЯТОЙ БОГОРОДИЦЕ:

ЧЕТВЕРТАЯ СТАТИЯ:

КОНДАК 1:

Хор: Взбранной Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти: // радуйся, Невесто Неневестная.

ИКОС 10:

Стена еси девам, Богородице Дево, и всем к Тебе прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебе научи:

Радуйся, столпе девства;

радуйся, дверь спасения.

Радуйся, начальнице мысленного наздания;

радуйся, подательнице Божественных благости.

Радуйся, Ты бо обновила еси зачатия студию;

радуйся, Ты бо наказала еси окраденных умом.

Радуйся, тлителя смыслов упражняющая;

радуйся, Сятеля чистоты рождающая.

Рáдуйся, чертóже безсéменнаго уневéщения;
рáдуйся, вёрных Гóсподеви сочетáвшая.
Рáдуйся, дóбрая младопитáтельница дéвам;
рáдуйся, невестокрасítельнице душ святýх.
Рáдуйся, Невéсто// Неневéстная.

Конда́к 11:

Пéние всякое побежда́ется, спростре́тися тща́щеся ко мно́жеству мно́гих щедро́т Твои́х: равночи́сленныя бо песка́ пéсни áще принóсим Ти, Царю́ святýй, ничтóже соверша́ем досто́йно, яже дал еси́ нам, Тебе́ вопи́ющим: **А**ллилу́ия.

Йкос 11:

Светопрíемную свещу́, сущим во тьме явльшуюся, зрим святую́ Дéву, невещéственный бо вжигáющи огонь, наставля́ет к рáзуму Божéственному вся, зарéю ум просвещáющая, звáнием же почита́емая, сими:

Рáдуйся, лучé умнаго Сóлнца;
рáдуйся, свети́ло незаходи́мага Свéта.
Рáдуйся, мо́лние, ду́ши просвещáющая;
рáдуйся, яко́ гром, враги́ устраша́ющая.
Рáдуйся, яко́ многосвётлое возсиява́еши просвещéние;
рáдуйся, яко́ многотекúщую источáеши реку́.
Рáдуйся, купéли живопису́ющая о́браз;
рáдуйся, грехóвную отъёмлющая сквёрну.
Рáдуйся, ба́не, омыва́ющая со́весть;
рáдуйся, ча́ше, чéрплющая ра́дость.
Рáдуйся, обоня́ние Христо́ва благоухáния;
рáдуйся, животé тайнаго весéлия.
Рáдуйся, Невéсто// Неневéстная.

Конда́к 12:

Благодáть дáти восхотéв, долго́в дрéвних, всех долго́в Решíтель чело́вэком, при́иде Собóю ко отшéдшим Того́ благодáти, и раздрáв рукописа́ние, слы́шит от всех сýще: **А**ллилу́ия.

Ўкос 12:

Поюще Твое Рождество, хвалим Тя вси, яко одушевленный храм, Богородице: во Твоей бо вселиться утробе содержи вся рукою Господь, освяти, прослави и научи вопити Тебе всех:

- Р**адуйся, селение Бога и Слова;
- р**адуйся, святая святых большая.
- Р**адуйся, ковчеже, позлащенный Духом;
- р**адуйся, сокровище живота неистощимое.
- Р**адуйся, честный венец царей благочестивых;
- р**адуйся, честная похвало иереев благоговейных.
- Р**адуйся, Церкви непоколебимый столпе;
- р**адуйся, Царствия нерушимая стена.
- Р**адуйся, Еюже воздвигнутся победы;
- р**адуйся, Еюже низпадают вразы.
- Р**адуйся, тела моего врачевание;
- р**адуйся, души моей спасение.
- Р**адуйся, Невесто// Невестная.

Кондак 13:

О, Всепетая Мати, рождающая всех святых Святейшее Слово! Нынешнее приими приношение, от всякия избави напасти всех, и будущия изми муки, о Тебе вопиющих: **Аллилуйя.** *(Кондак читается трижды.)*

Ўкос 1:

Ангел представитель с небес послан бысть рещи Богородице: радуйся, и со плотным гласом воплощаема Тя зря, Господи, ужасашеся и стояше, зовый к Ней таковая:

- Р**адуйся, Еюже радость возсияет;
- р**адуйся, Еюже клятва исчезнет.
- Р**адуйся, падшаго Адама воззвание;
- р**адуйся, слез Евиных избавление.
- Р**адуйся, высоту неудобовосходимая человеческими помысли;
- р**адуйся, глубину неудобозримая и ангельскими очима.
- Р**адуйся, яко еси Царство седилище;
- р**адуйся, яко носиши Носящего вся.
- Р**адуйся, звезд, являющая Солнце;

ра́дуйся, утробо Божественнаго воплощения.

Ра́дуйся, Ёюже обновляется тварь;

ра́дуйся, Ёюже поклоняемся Творцу́.

Ра́дуйся, Невесто// Неневестная.

И СНОВА ПЕРВЫЙ КОНДАК:

Взбранной Воеводе победительная,/ яко избавльшися от злых,/ благодарственная восписуем Ти, раби́ Твой, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Неневестная.

ПРОДОЛЖАЕМ КАНОН:

В 6-9 песнях:

Канон храма не поется.

ВО ВСЕХ ХРАМАХ:

ПЕСНЬ 7:

КАНОН ПРАЗДНИКА БОГОРОДИЦЫ (Триоди) на 12:

Ирмос: **Не послужиша** твари́ Богомудрии/ паче Создавшаго,/ но, огненное прещение мужески поправше,/ радовахуся, поюще:// препетый отцев Господь и Бог, благословен еси́. *(Дважды)*

Запев: **Пресвятая Богородице, спаси нас.**

Воспеваем Тя вопиюще:/ радуйся, колеснице солнца умнаго,/ лозо истинная, грозд зрелый возделавшая, вино источающий, // души веселящее верою Тя славящих.

Врача всех человек рождающая, радуйся Богоневесто,/ жезле тайный, цвет неувядаемый процветший, // радуйся Владычице, Ёюже радости наполняемся, и жизнь наследствуем.

Ветийствующий не может язык, Владычице, песнословити Тя,/ паче бо серафимов возвысилася еси́, рождши Царя Христа. // Егоже моли́ граду сему́ избавитися от многих искушений.

Хвалят Тя блажаще концы, и любовьию зовут Тебё:/ радуйся свитче, в нёмже перстом Отчим написася Слово, Чистая./ Егоже моли́, в книзе животней // рабом Твоим написатися, Богородице.

ЧЕТВЕРОПЕСНЕЦ ПЕРВЫЙ, ГЛАС 6:

Запев: **Святии мученицы, молитесь Бога о нас.**

Пресветлое собрание Божественных Твоих мучеников, Многомилостиве,/ во свете Твоём незаходимем ныне жительствует. // Тех молитвами просвещение и грехов очищение подаждь всем, Христе́.

Коль красное время, еже нам дал еси воздержания, Господи,/ в немже ущедри души наша яко Благ,/ молитвами святых страдалец, // красныя и честныя возлюбивших страсти Твоя.

Прешедшия многоболезненную бурю жития рабы Твоя,/ устремй в пристанище, Владыко, жизни,/ вопити со всеми избранными:// благословен еси, Господи Боже отец наших.

Запев: **Пресвятая Богородице, спаси нас.**

Закона Дателя, Приснодево, рождающая моли,/ беззакония отъяти вся, во время ныне настоящее, // добре произволившим обучатися Божественного поста тщанием.

ЧЕТВЕРОПЕСНЕЦ ВТОРОЙ, ГЛАС 5:

Запев: **Святые мученицы, молитесь Бога о нас.**

Благословен еси, Боже,/ показавый доблю о Тебе страждущия мученики, // препетый и препрославленный.

Благословен еси, Боже,/ страсотерпцы молитвенники нам к Тебе подавай, // препетый и препрославленный.

Слава Отцу и Сыну и Святому Духу.

Благословен еси, Боже,/ един убо Естеством, Лицы же тремй познаваемый, // препетый и препрославленный.

И ныне и присно и во веки веков. Аминь.

Благословен еси, Боже,/ рождейся безсеменно, и Родшую показавый чистотствующую, // препетый и препрославленный.

Запев: **Святым, иже суть на земли Его,/ удивй Господь вся хотения Своя в них.**

Благословен еси, Боже,/ звери укротивый и погасивый огонь, // в славу святых Твоих, препетый и препрославленный.

Запев: **Блажени, яже избрал,/ и приял еси Господи.**

Благословен еси, Боже,/ от смерти в безконечный живот преложивый, // верою в житий послужившия Тебе.

КАТАВАСИЯ, ГЛАС 5:

Благословен еси, Боже,/ видяй бездны/ и на Престоле Славы седяй, // препетый и преславный.

ПЕСНЬ 8.

Ирмос: **Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела, // и превозносите Его во вся веки. (Дважды)**

Запев: **Пресвятая Богородице, спаси нас.**

Ложесны Слово прияла еси,/ вся носящаго носила еси,/ млеко́м пита́ла еси,/ ма́нием пита́ющаго вселенную всю, Чистая, Емуже поём:// Го́спода по́йте дела́, и превозно́сите во вся ве́ки.

Моисей уразумé в купинé вели́кое та́инство Рождества́ Твоего́:/ о́троцы же прообрази́ша сие́ я́вственнее/ посреде́ огня́ стоя́ще, и не опаля́еми, не-тле́нная свята́я Де́во.// Тем Тя почита́ем во вся ве́ки.

Пре́жде преле́стию обнажи́вшиися/ в ри́зу нетле́ния облеко́хомся Рож-дество́м Твои́м:/ и сидя́щи во тьме прегрешéний, свет ви́дохом,/ све́та жи-лище, О́трокови́це.// Тем Тя поём во вся ве́ки.

Ме́ртвии Тобо́ю оживля́ются,/ Жизнь бо ипостáсную родила́ еси,/ неми́и пре́жде, благоглаго́ливи быва́ют,/ прокаже́ннии очища́ются, недúзи отго-ня́ются,/ духо́в возду́шных мно́жества побежда́ются,// Де́во, челове́ков спасéние.

ЧЕТВЕРОПÉСНЕЦ ПÉРВЫЙ, ГЛАС 6:

Запев: **Святы́и мученицы, моли́те Бо́га о нас.**

Святы́х мученик исправл́ением,/ небесни́и умове́ преудиви́шася,// тех моли́твами, ми́лости Твоя́, Влады́ко, в нас богáтно удиви́, Ще́дре.

О́гнь Божество́нною росóю попра́вшии,/ страда́льцы Господни́ досточудни́и,/ изба́вите нас огня́ муча́щаго,// ко Влады́це тёплыми ва́шими моли́твами.

Преблагый́ Сло́ве,/ отше́дшия от нас правосла́вно,/ жи́зни сподо́би, я́же на небесе́х,/ и свята́я свётлости,// добропобéдных мученик моли́твами.

Запев: **Пресвятая Богородице, спаси нас.**

Моли́твами, Ще́дре, Ро́ждшия Тя,/ и свята́х мученик и апо́стол Твои́х,/ просвети́ наша ду́ши, е́же сла́вити Тя,// в весе́лии душэ́внем во ве́ки.

ЧЕТВЕРОПÉСНЕЦ ВТОРО́Й, ГЛАС 5:

Запев: **Святы́и мученицы, моли́те Бо́га о нас.**

Ли́цы мученик свята́и,/ помяни́те любóвию воспевáющия вы// и пре-возно́сця Хри́ста во ве́ки.

Мечéм усека́еми, ра́довахуся мученицы, пою́ще Хри́ста// и превозно́сяще во вся ве́ки.

Благословим́ Отца́, и Сы́на, и Свята́го Ду́ха, Го́спода.

Странноле́пно разделя́ется Трои́ца/ и пребыва́ет неразде́льна, я́ко Бог,// Ю́же превозно́сим во вся ве́ки.

И ныне и присно и во веки веков. Аминь.

Дева Младенца роди,/ Бог бо из Нея вочеловечися,// вся тварь да поет
Его во веки.

Запев: **Дивен Бог во святых Своих,/ Бог Израилев.**

Столпы мужества явися,/ падением диаволим радуящиеся мученицы,/ поюще Христа и превозносяще во веки.

Запев: **Души их во благих водворятся.**

У Авраама внедрится сподоби, Господи, рабы Твоя,/ верою представлявшаяся к Тебе, и надежду.

КАТАВАСИЯ, ГЛАС 5:

Хвалим, благословим, поклоняемся Господеви, поюще и превозносяще во вся веки.

Творца твари,/ Егже ужасаются Ангели,/ пойте, людие,// и превозносите во вся веки.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: **В**еличит душа Моя Господа,/ и возрадовася дух Мой о Бозе Спасе Моём.

Честнейшую Херувим/ и Славнейшую без сравнения Серафим,/ без исленния Бога Слова рождшую,// сущую Богородицу, Тя величаем.

Яко призре на смирение рабы Своея,/ се бо от ныне ублажат Мя вси роди.

Честнейшую...

Яко сотвори Мне величие Сильный,/ и свято Имя Его, и милость Его в роды родов боящимся Его.

Честнейшую...

Сотвори державу мышцею Своею,/ расточи гонимую мыслью сердца их.

Честнейшую...

Низложи сильные со престол, и вознесе смиренные;/ алчущия исполни благ, и богатящиеся отпусти тщи.

Честнейшую...

Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

Честнейшую...

ПЕСНЬ 9:

Канон праздника Богородицы (Триоди) на 12:

Ирмос: **Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная,// Богородице, Чистая Приснодево. (Дважды)**

Запев: **Пресвятая Богородице, спаси нас.**

Да Тебѣ, вѣрнии, радуйся зовѣм,/ Тобѡю радости причащницы бывше присносущныя,/ избави нас напастей, варварскаго пленения, и всякия инья раны,/ за множество, Отроковице, прегрешений,// находящия человеком согрешающим.

Явилася еси просвещение наше и утверждение./ Темже вопиѣм Ти:/ радуйся, звездѡ незаходящая, вводящая в мир великое Солнце./ Радуйся, Едем отверзшая заключенный, Чистая.// Радуйся, сосуде, миро неистощимое на Тя излиянное приемшии.

Станем благоговейно в дому Бѡга нашего, и возопиѣм:/ радуйся, миру Владычице./ Радуйся Маріе, Господѣ всех нас./ Радуйся, едина непорочная в женах и добрая.// Радуйся, столпе огненный, вводящий в вышнюю жизнь человечество.

Голубице Милостиваго рѡждшая, радуйся Приснодево:/ преподобных всех, радуйся, похвалѡ, страдальцев венчание./ Радуйся, всех праведных Божественное удобрение,// и нам вѣрным спасение.

ЧЕТВЕРОПѢСНЕЦ ПЕРВЫЙ, ГЛАС 6:

Запев: **Святїи мученицы, молїте Бѡга о нас.**

Яко свет, яко солнце возсиявше,/ всю зѣмлю лучами благочестия, мученицы,/ и светилами чудес просветиша/ и многобѡжия тьму разгнаша,// ихже молитвами, Бѡже, помилуй нас.

Бѡинство мучеников непобедимое,/ всех нас укрепї добре подвизатися/ и совершити поста поприще,/ яко да Божественнаго жития дело совершивше,// причащницы будем жизни, веселящеся.

Твоя да предварит благасть, Господи,/ от нас страшным преставльшихся повелением Твоим,/ да окружит их Твоя милость,// и да наставит к селению, просвещенным светом лица Твоего.

Запев: **Пресвятая Богородице, спаси нас.**

Гласомъ ангеловымъ совѣта Отча Ангела,/ неизреченно Богородице роди-
ла еси,/ гласы ѹбо рабѣвъ Твоихъ приими,/ яже во время поста принѣсим, // и
сия принеси Богу, якоже кадило.

ЧЕТВЕРОПѢСНЕЦЪ ВТОРОЙ, ГЛАСЪ 5:

Запев: **Святѣи мученицы, молите Бога о нас.**

Совершающе торжество мученическое,/ днесь людіе воскликнемъ
пѣсньми,/ поюще Христу подвигоположнику/ и победы на враги имъ по-
давшему, // Егѡже в пѣсняхъ величаемъ.

Ноготми растерзаеми и усецаеми мечемъ на ѹды,/ совокупистесь Христу лю-
безно, всехвальнии мученицы. // Темъ и ныне на небесехъ веселящесь, о всехъ молитесь.

Слава Отцу и Сыну и Святому Духу.

Едино Существомъ воспевая Тя, Безначальная Троице,/ честная, живона-
чальная, несекѡмая Единице,/ Отче нерожденный и рожденный Слово и
Сыне, Душе Святѣй, // насъ спаси, поющихъ Тя.

И ныне и присно и во веки вековъ. Аминь.

Паче ума рождество Твое, Богомати,/ без мужа бо зачатие в Тебѣ и
дѣвственно рождение бысть,/ ибо Богъ есть родивыйся, // Егѡже величающе,
Тя, Дѣво, ублажаемъ.

Запев: **Святѣмъ, иже суть на земли Егѡ,/ удиви Господь вся хотѣния Своя в нихъ.**

Дѡблее воинство Царя всехъ и Бога,/ мучениковъ пѣсньми венчаимъ, людіе,/
тѣи бо победиша бесѡвскія полки яве, // яже воспеваяще, Владѣику величаемъ.

Запев: **Блажени, яже избралъ,/ и приял еси Господи.**

Егда все создание Твое возставиши судитися, Христе, яже приял еси,/ и
ныне рабы Твоя верныя помилуй,/ прости, яже в житиѣ прегрѣшения ихъ, //
и со святѣми Твоими упокой я во веки.

КАТАВАСІЯ, ГЛАСЪ 5:

Исаіе, ликуй,/ Дѣва имѣ во чреве/ и роди Сына Еммануила,/ Бога же
и Человека,/ Востокъ имя Емѹ,/ Егѡ же величающе, // Дѣву ублажаемъ.

ЕКТЕНІЯ МАЛАЯ:

Диакон: Паки и паки миромъ Господу помѡлимся.

Хор: Господи, помилуй.

Диакон: Заступи, спаси, помилуй и сохрани насъ, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владѣицу нашу Богородицу и Приснодѣву
Марію, со всеми святѣми помянувшѣ, сами себѣ и другъ друга, и весь животъ нашъ Христу Богу предадимъ.

Хор: Тебѣ, Гóсподи.

Иерей: Яко Тя хв́алят вся с́илы неб́есныя, и Тебѣ сла́ву воссыла́ем, Отцу́ и Сы́ну и Свято́му Ду́ху, ны́не и пр́исно и во ве́ки веко́в.

Хор: Ами́нь.

СВЕТИ́ЛЕН ТРИО́ДИ, ПОДО́БЕН: «ЖЕНЫ́ УСЛЫ́ШИТЕ...»:

Чтец: Е́же от ве́ка днесь познава́ется та́инство:/ Бо́жие Бог Сло́во, Сын Дѣвы Мари́и за милосѣрдие быва́ет./ И ра́дость Благовѣщения Гаври́ил провещава́ет, с нѣмже возопи́м вси:// ра́дуйся, Ма́ти Господ́ня. *(Дважды)*

Сла́ва Отцу́ и Сы́ну и Свято́му Ду́ху и ны́не и пр́исно и во ве́ки веко́в. Ами́нь.

Е́же от ве́ка днесь познава́ется та́инство:/ Бо́жие Бог Сло́во, Сын Дѣвы Мари́и за милосѣрдие быва́ет./ И ра́дость Благовѣщения Гаври́ил провещава́ет, с нѣмже возопи́м вси:// ра́дуйся, Ма́ти Господ́ня.

ХВАЛИ́ТНЫ ПСАЛМЫ́, ГЛАС 4

Хор: Вся́кое дыха́ние да хва́лит Гóспода./ Хвалите́ Гóспода с неб́ес,/ хвалите́ Его́ в вы́шних.// Тебѣ подоба́ет песнь Бо́гу.

Хвалите́ Его́ вси а́нгели Его́,/ хвалите́ Его́ вся с́илы Его́.// Тебѣ подоба́ет песнь Бо́гу.

Чтец: *Стихиры Трио́ди, глас 4, подо́бен: «Яко до́бля...»:*

Стих: Хвалите́ Его́ на с́илах Его́,/ хвалите́ Его́ по мно́жеству вели́чества Его́.

Стихира: Сокровѣнное та́инство/ и А́нгелом неведомое,/ Гаври́ил уверя́ет Арха́нгел,/ и к Тебѣ ны́не при́дет/ еди́ней нетлѣнной и до́брей голуби́це,/ и ро́да на́шего воззва́нию,/ и возопи́ет Тебѣ Пресвята́я, е́же ра́дуйся:/ уго́товися сло́вом, Бо́га Сло́ва,// Твои́ми ложесна́ми при́яти.

Стих: Хвалите́ Его́ во гла́се тру́бнем,/ хвалите́ Его́ во псалти́ри и гу́слех.

Стихира: Сокровѣнное та́инство/ и А́нгелом неведомое,/ Гаври́ил уверя́ет Арха́нгел,/ и к Тебѣ ны́не при́дет/ еди́ней нетлѣнной и до́брей голуби́це,/ и ро́да на́шего воззва́нию,/ и возопи́ет Тебѣ Пресвята́я, е́же ра́дуйся:/ уго́товися сло́вом, Бо́га Сло́ва,// Твои́ми ложесна́ми при́яти.

Стих: Хвалите́ Его́ в тимпа́не и ли́це,/ хвалите́ Его́ во стру́нах и орга́не.

Стихира: Светно́сная пала́та/ уго́товася Тебѣ, Влады́ко,/ утроба́ ч́истая Богоотрокови́цы,/ гряди́ к Сей и снѣди, ущѣдри создáние Твое́,/ завѣстно брань при́ймшее и рабо́тою удержа́нное льсти́ваго,/ и до́броту пѣрвую погуби́вшее,// и Твоего́ спаси́тельнаго ча́ющее соше́ствия.

Стих: Хвалите́ Его́ в кимвалех доброгласных, хвалите́ Его́ в кимвалех восклицания./ Вся́кое дыха́ние да хвалит Господа.

Стихира: Гавриїл Архангел,/ к Тебѣ, Всенепорѣчная,/ явленно придет и возопиет Тебѣ:/ радуйся, клятвы разрешеніе,/ падших востаніе./ Радуйся, едина избранная Богу бывшая./ Радуйся, колеснице солнца славы./ Приими Безплотнаго, // во утробе Твоей вселитися хотящаго.

Слава Отцу и Сыну и Святому Духу и ныне и присно и во веки веков. Аминь.

Языка, егѣже не ведяше,/ услыша Богородица,/ глаголаше бо к Ней Архангел Благовещенія глаголы:/ отнюдуже верно приими целованіе,/ зачат Тя, Превѣчнаго Бога./ Темже и мы радуящеся вопиѣм Ти:/ из Нея воплотивыйся непреложно, Боже,/ мир миру даруй// и душам нашим велию милость.

Иерей: Слава Тебе, показавшему нам свет.

СЛАВОСЛОВІЕ ВЕЛІКОЕ:

Хор: Слава в вышних Богу, и на земли мир, в человецех благоволеніе. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христѣ, и Святыи Душе. Господи Боже, Агнче Божий, Сыне Отечъ, вземляй грех мира, помилуй нас; вземляй грехи мира, приими молитву нашу; седяи одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. **Аминь.**

На всяк день благословлю Тя, и восхваляю Имя Твое во веки, и в век века.

Сподоби, Господи, в день сей без греха сохранитися нам. Благословен еси, Господи, Боже отец наших, и хвально и прославлено Имя Твое во веки. **Аминь.**

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. *(Трижды)*

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебѣ. Господи, к Тебѣ прибегах, научи мя творити волю Твою, яко Ты еси Бог мой: яко у Тебѣ источник животы, во свете Твоем узрим свет. Пробави милость Твою ведущим Тя.

Святыи Боже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу и ныне и присно и во веки веков. Аминь.

Святыи Безсмертный, помилуй нас.

Святыи Боже, Святыи Крепкий, Святыи Безсмертный, помилуй нас.

ТРОПАРЬ ПРАЗДНИКА (Триоди), ГЛАС 8:

Хор: Повеленное тайно прием в разуме,/ в крове Иосифове тщанием предста Безплотный, глаголя Неискусобрачней:/ приклонивый схождением Небеса вмещается неизменно весь в Тя,/ Егѣже и видя в ложеснах Твоих приемша рабий зрак,/ ужасаюся звати Тебѣ:// радуйся, Невесто Невестная.

ЕКТЕНИЯ СУГУБАЯ:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: Гóсподи, помилуй. *(Трижды, на каждое прошение)*

Ещё молимся о Великом Господине и Отце нашем Святейшем Патриархе **Кирилле**, и о Господине нашем Высокопреосвященнейшем митрополите *(или: архиепископе, или: преосвященнейшем епископе **имярек**)*, и всей во Христе братии нашей.

Ещё молимся о Богохранимем стране нашей, властях и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: **Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.**

Хор: **Аминь.**

ЕКТЕНИЯ ПРОСИТЕЛЬНАЯ:

Диакон: Исполним утреннюю молитву нашу Господеви.

Хор: Гóсподи, помилуй.

Диакон: Заступи, спаси, помилуй и сохрани нас, Бóже, Твоею благодатью.

Хор: Гóсподи, помилуй.

Диакон: Дне всего совершенна, свята, мирна и безгрешна у Господа просим.

Хор: **Подай, Господи. *(На каждое прошение)***

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: **Тебе, Господи.**

Иерей: **Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.**

Хор: **Аминь.**

Иерей: **Мир всем.**

Хор: **И духови твоему.**

Диакон: Главы наша Господеви приклоним.

Хор: **Тебе, Господи.**

Иерей: Твое бо есть, еже мѡловати и спасати ны, Бѡже наш, и Тебѣ славу возсылаем, Отцу и Сѡну и Святому Духу, ныне и присно и во веки вековъ.

Хор: Аминь.

Диакон: Премудрость.

Хор: Благослові.

Иерей: Сый благословѣн Христос Бог наш, всегда, ныне и присно и во веки вековъ.

Хор: Аминь. Утверди, Бѡже, святую православную веру, православных христіан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебѣ, Христѣ Бѡже, Упование наше, слава Тебѣ.

Хор: Слава, и ныне. Господи, помилуй. *(Трижды)* Благослові.

Отпуст.

Иерей: Христос, Истинный Бог наш, молитвами Пречистыя Своея Матере...

МНОГОЛѢТІЕ

Хор: Великаго Господина и Отца нашего **Кирилла**,/ Святейшаго Патриарха Московскаго и всея Русі,/ и Господина нашего *(Высоко-)* Преосвященнейшаго *(имярек)*,/ *(архи-)*епископа *(митрополита (титул))*,/ богохранимую страну нашу Россійскую,/ настоятеля, братію и прихожан святаго храма сего/ и вся православныя христіаны, // Господи, сохрани их на многая лета.

ЧИТАЕТСЯ ПЕРВЫЙ ЧАС

НА ЧАСАХ:

ТРОПАРЬ ПРАЗДНИКА (Триоди), ГЛАС 8:

Повелѣнное тайно прием в разуме,/ в крѡве Иосифове тщанием предста Безплотный, глаголя Неискусобрачней:/ приклонивый сходянием Небеса вмещается неизменно весь в Тя,/ Егѡже и видя в ложеснах Твоих приемша рабий зрак,/ ужасаюся звати Тебѣ:// радуйся, Невѣсто Невѣстная.

КОНДАК ПРАЗДНИКА (Триоди), ГЛАС 8:

Взбранной Воеводе победительная,/ яко избавльшеся от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невѣсто Невѣстная.

НА ЛИТУРГИИ СВ. ИОАННА ЗЛАТОУСТОГО:

БЛАЖЕННЫ:

Хор: Во Царствии Твоём помяни нас, Господи, егда приидеши, во Царствии Твоём.

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кратции, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Триоди, глас 4:

Ирмос: Твоя песнопловцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе// венцев славы сподоби.

Блажени чистии сердцем, яко тии Бога узрят.

Тропарь: Клас прозябшая Божественный, яко нива неоранная яве,/ радуйся одушевленная трапезо, хлеб животный вмещающая.// Радуйся, животная воды источниче неистощаемый, Владычице.

Блажени миротворцы, яко тии сынове Божии нарекутся.

Тропарь: Юнице Юнца рождающая непорочного, радуйся верным./ Радуйся Агнице, рождающая Божияго Агнца,/ вземлющего мира всего прегрешения.// Радуйся теплое очистилище.

Блажени изгнани правды ради, яко тех есть Царство Небесное.

Тропарь: Утро светлейшее, радуйся/ едина Солнца носящая Христа, света жилище./ Радуйся, тьму разрушившая,// и мрачные бесы отнюд отгнавшая.

Блажени есте, егда поносят вам, и изженут, и рекут всяк зол глагол на вы, лжуще Мене ради.

Тропарь: Чертоже Слова нескверный, вина всех обожения,/ радуйся Пречистая, пророков оглашение:// радуйся, апостолов удобрение.

Радуйтесь и веселитесь, яко мзда ваша многа на Небесех.

Тропарь: От Тебе роса укану, пламень многобожия угасившая./ Тем вопием Ти:// радуйся, руну одушевленное, еже Гедеон, Дево, предвиде.

Слава Отцу и Сыну и Святому Духу

Тропарь: Се Тебе [Дево] радуйся, зовем:/ пристанище нам буди влающимся,/ и отиши в пучине скорбей,// и соблазнов всех борителя.

И ныне и присно и во веки веков. Аминь.

Тропарь: Рáдости вина, облагодати наш помысл, еже звати Тебѣ:/ радуйся неопалимая купино, облаче всесветлый, // верныя непрестанно осеняющий.

По входе:

Тропарь праздника (Триоди), глас 8:

Повелѣнное тайно прием в разуме, / в крове Иосифове тщанием предста
Безплотный, глаголя Неискусобрачней:/ приклонивый схождением Небеса
вмещается неизменно весь в Тя, / Егже и видя в ложеснах Твоих приемша
рабий зрак, / ужасаюся звати Тебѣ:// радуйся, Невесто Невестная.

Слава Отцу и Сыну и Святому Духу и ныне и присно и во веки веков. Аминь.

Кондак праздника (Триоди), глас 8:

Взбранной Воеводе победительная, / яко избавльшися от злых, / благо-
дарственная восписуем Ти, раби Твои, Богородице, / но, яко имущая дер-
жаву непобедимую, / от всяких нас бед свободи, да зовем Ти:// радуйся, Не-
весто Невестная.

Прокимен, глас 3, пѣснь Богородицы:

Величит душа Моя Господа, / и возрадовася дух Мой о Бозе Спасе Моём.

Стих: Яко призре на смирение Рабы Своея, се бо, отныне ублажат Мя вси роди.

Апостольское чтение субботы пятой седмицы Великого поста:

Евр., зач. 322 (гл. 9, стт. 24-28)

Братие, не в рукотворенная святая видя Христос, противоположная
истинных, но в самое Небо, ныне да явится лицу Божию о нас. Ни да
многажды приносит Себе, якоже первосвященник входит во святая [свя-
тых] по вся лета с кровию чуждею. Понеже подобаше бы Ему множицею
страдати от сложения мира, ныне же единою в кончину веков, во отменение
греха, жертвою Своею явися. И якоже лежит человеком единою умерети, по-
том же суд. Тако и Христос единою принесся, во еже вознести многих гре-
хи, второе без греха явится, ждущим Его во спасение.

Апостольское чтение Богородицы:

Евр., зач. 320 (гл. 9, стт. 1-7)

Братие, имевшая первая скиния оправдания службы, святое же людское.
Скиния бо сооружена бысть первая, в нейже светильник, и трапеза, и предло-
жение хлебов, яже глаголется Святая. По второй же завесе скиния, глаголемая
Святая святых. Злату имущи кадильницу, и ковчег завета окован всюду златом,

в нёмже стáмна златá имущая мánну, и жезл Аарóнов прозябший, и скрижа́ли завета. Превы́шше же егó херувими сла́вы, осеня́ющие олта́рь: о нихже несть ны́не глаго́лати подро́бну. Сим же та́ко устро́еным, в пёрвую ўбо скíнию вь́ну вхожда́ху священни́цы, служ́бы соверша́юще. Во вторую́ же еди́ною в ле́то еди́н архиерей, не без кро́ве, ю́же принóсит за себе́, и о людских невёжествиих.

Аллилу́рий Богоро́дицы, глас 8:

Стих: Воскресни́, Го́споди, в поко́й Твой, Ты и Киво́т святы́ни Твоея́.

Стих: Помяни́, Го́споди, Дави́да и всю кро́тость егó.

Ева́нгельское чтéние суббо́ты пя́той седми́цы Вели́кого поста́:

Мк., зач. 35 (гл. 8, стт. 27-31)

Во вре́мя оно́, изы́де Иису́с и ученицы́ Егó в ве́си Кесарии́ Фили́пповы, и на пу́ти вопроша́ше ученики́ Своя́, глаго́ля им: когó Мя глаго́лют челове́цы бы́ти? Они́ же отве́щаша: Иоáнна Крестите́ля, и инии́ Илию́, друзии́ же еди́наго от про́рок. И Той глаго́ла им: вы же когó Мя глаго́лете бы́ти? Отве́щав же Петро́ глаго́ла Ему́: Ты еси́ Христóс. И запрети́ им, да ни кому́же глаго́лют о Нем. И начáт учи́ти их, я́ко подобáет Сы́ну Человéческому́ мно́го постра́дати, и искуше́ну бы́ти от ста́рец и архиерей и кни́жник, и уби́ену бы́ти, и в тре́тий день воскрэ́снути.

Ева́нгельское чтéние Богоро́дицы:

Лк., зач. 54 (гл. 10, стт. 38-42; гл. 11, стт. 27-28)

Во вре́мя оно́, вни́де Иису́с в весь не́кую: жена́ же не́кая и́менем Ма́рфа прия́т Егó в дом свой. И сестра́ ей бе нарица́емая Мари́я, я́же и сэдши при но́гу Иису́сову, слы́шаше сло́во Егó. Ма́рфа же мо́лвляше о мно́зе служ́бе, ста́вши же рече́: Го́споди, не бреже́ши ли, я́ко сестра́ моя́ еди́ну мя оста́ви служи́ти; рцы́ ўбо ей, да ми помо́жет. Отве́щав же Иису́с, рече́ ей: Ма́рфо, Ма́рфо, печéшися и мо́лвиши о мно́зе. Еди́но же есть на потре́бу. Мари́я же благу́ю часть избра́, я́же не оты́метя от нея́. Бысть же егда́ глаго́лаше сия́, воздви́гши не́кая жена́ глас от наро́да, рече́ Ему́: блаже́но чре́во носившее́ Тя, и сосца́, я́же еси́ ссал. Он же рече́: те́мже ўбо блаже́ни слы́шавшии сло́во Бо́жие, и храня́щии е́.

Прича́стен:

Ча́шу спасéния прииму́,/ и и́мя Господне́ призову́. Аллилу́ия. (Трижды.)